

## Convocatoria

## VIII Concurso de Fotografía

## Museo Liste de Vigo



2021

## Bases

1. **Aspectos xerais:** VIII convocatoria do Concurso de Fotografía convocado polo Museo Liste de Vigo co gallo da celebración do Día Internacional dos Museos. O concurso pretende fomentar o coñecemento e a creatividade a través da práctica da fotografía co fin de destacar variados aspectos históricos, artísticos, etnográficos e antropolóxicos.

As fotografías a concurso serán valoradas atendendo, principalmente, a tres criterios:

- Estético: valorarase a beleza da fotografía e a sensibilidade á hora de recoller certos aspectos que singularicen e dignifiquen o elemento fotografado.
- Técnico: valoraranse aspectos asociados á técnica desta arte.
- Documental: valorarase que as fotografías presentadas acaden o valor de documento gráfico como forma de recoller e difundir coñecemento.

1. **Temática: “Pecados capitais”.** A gula, a ira, a envexa, a luxuria, a pereza, a soberbia, a avaricia, conceptos que a igrexa católica clasificou como capitais, fonte ou principio doutros pecados, invítanos a que atrapades coas vosas cámaras exemplos das súas manifestacións: a cola ante un posto de *gofres* pode representar a gula; un sofá no medio da rúa ben pode simbolizar a pereza, etc.

A temática pretende reunir arte e antropoloxía, sendo así que a recollida gráfica por parte dos participantes será tamén unha forma de colaborar na ampliación do arquivo fotográfico do museo.

2. **Participantes e número de obras:** maiores de 18 anos cun número máximo de tres fotografías por persoa, se ben nunca recaerán dous premios no mesmo participante.

3. **Premios:** establécense 3 premios. Un primeiro premio dotado con 200 euros en metálico e dous premios máis que recibirán unha figura conmemorativa. Así mesmo as obras serán expostas durante un período de 30 días na sede da Fundación Liste - Museo Etnográfico de Vigo.

A entrega de premios e a inauguración da exposición das fotografías premiadas realizarase o día 17 de maio, “Día das Letras Galegas” a partir das 12:30 h. na sede do Museo.

4. **Presentación das obras, identificación e envío:**

- Han de ser fotografías actuais, realizadas *ex professo* para o concurso, quedando excluídas do mesmo as fotografías que non conserven os datos orixinais que permitan verificar a súa data de captura. Todas as obras presentadas deberán ser orixinais, inéditas e non premiadas con anterioridade en ningún concurso.
- O tamaño da fotografía deberá ser de 30 x 20 cm. cunha resolución mínima de 300 puntos por polgada e en formato jpeg. Non se admitirán fotomontaxes. Tampouco se admitirán fotografías firmadas, con bordes ou marcos.
- As fotografías serán enviadas por correo electrónico en arquivos adxuntos de xeito individual (un arquivo por fotografía). O nome do arquivo axunto será o do título da fotografía. No corpo da mensaxe especificaranse os datos do participante que deberán incluír: nome e apelidos; enderezo postal (domicilio, código postal, poboación, provincia); enderezo de correo electrónico e teléfono de contacto; e título da foto.
- O enderezo de envío é: [didactica@museoliste.org](mailto:didactica@museoliste.org). Tamén poderán ser enviadas por correo postal, en unidade de almacenamento USB ou CD. Confirmarase recepción.
- Os autores responsabilizaranse da autoría e orixinalidade das obras presentadas, de que non existan dereitos de terceiros sobre as mesmas e de calquera reclamación que por dereitos de imaxe puidera formularse. A este respecto, será necesario cumprimentar un formulario que se poderá descargar desde a nosa páxina web [www.museoliste.org](http://www.museoliste.org) ou desde o noso blog [www.blog.museoliste.org](http://www.blog.museoliste.org) e que se enviará firmado a través de calquera medio (sempre que nas fotografías figuren persoas recoñecibles).
- É imprescindible o cumprimento das devanditas bases sendo responsabilidade do autor que as obras se axusten a elas. O Museo non responderá consultas

sobre a pertinencia das obras enviadas en canto a formatos, temática e outras cuestións que só o xurado analizará no momento da resolución do concurso.

5. **Prazo de recepción das obras:** dende a publicación da convocatoria ata o 26 de abril de 2021.
6. **Selección de obras, xurado e fallo:** o xurado encargado de seleccionar as obras gañadoras estará formado por varios expertos en fotografía, un experto en etnografía e patrimonio, un membro do padroado da Fundación Liste e un membro do persoal técnico do museo. **O fallo do xurado será comunicado aos gañadores vía telefónica e publicado na páxina web do Museo e en prensa a partir do 12 de maio de 2021.**
7. **Outros:**
  - Cesión dos dereitos de reprodución das fotografías gañadoras sempre que se mencione o autor e teña como fin a divulgación e promoción cultural e, en calquera caso, sen ningún tipo de beneficio económico.
  - O feito de participar implica a aceptación íntegra das presentes bases e, en caso de existir algunha discrepancia na súa interpretación, prevalecerá o criterio do Museo.
  - En todo aquilo non previsto nestas bases, a Fundación Liste - Museo Etnográfico de Vigo resolverá o que proceda.
8. **Información:** a través do teléfono 986244698 ou a través do enderezo [didactica@museoliste.org](mailto:didactica@museoliste.org).